

საქართველოს მეცნიერებათა ეროვნული აკადემია



მსუბუქი ავტომობილის (CPV კოდი 34111200- სედანები) გამარტივებული
ელექტრონული ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს კანონის, სახელმწიფო შესყიდვების საგენტოს თავმჯდომარის 2011 წლის 7 აპრილის №9 ბრძანებით დამტკიცებული, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესისა“ და „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის ან ჩანაცვლების წესის დამტკიცების შესახებ“ საქართველოს მთავრობის 2014 წლის 6 თებერვლის №121 დადგენილების საფუძველზე

ქ. თბილისი, 2015 წელი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დავალება.
3. სახელმწიფო შესყიდვის შესახებ ხელშეკრულების პროექტი.
4. დანართი №1 - რეკვიზიტები.
5. დანართი №2 - ფასების ცხრილი.

1. ინსტრუქცია ტენდერში მონაწილეთათვის

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონულ სისტემაში (შემდგომში - სისტემა).
- 1.2. ინსტრუქტაჟი შესაძლებელია ასევე იხილოთ: <http://procurement.gov.ge>
- 1.3. შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, სახელმწიფო შესყიდვების საგენტოს თავმჯდომარის 2011 წლის 7 აპრილის №9 ბრძანებით დამტკიცებული, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესისა“ და „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის ან ჩანაცვლების წესის დამტკიცების შესახებ“ საქართველოს მთავრობის 2014 წლის 6 თებერვლის №121 დადგენილების შესაბამისად.
- 1.4. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.5. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.
- 1.6. შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში: ტელ: 299-73-72.

**საკონტაქტო პირები: ლალი ჟვანია 598 640-750;
ილია კვეზერელი 593 136-881;**

2. ტექნიკური დავალება

2.1. შესყიდვის ობიექტი:

2.1.1. წინამდებარე სატენდერო დოკუმენტაცია ითვალისწინებს „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის ან ჩანაცვლების წესის დამტკიცების შესახებ“ საქართველოს მთავრობის 2014 წლის 6 თებერვლის №121 დადგენილებით განსაზღვრული მე-3 კლასის მსუბუქი ავტომობილის CPV კოდი 34111200- სედანის შესყიდვას.

2.1.2. შესყიდვის ობიექტის რაოდენობა - 2 (ორი) ერთეული.

2.1.3. შესასყიდი ავტომობილების მინიმალური ტექნიკური მოთხოვნები:

№	ავტომობილის ტექნიკური მახასიათებლები	
1	ძრავის მოცულობა არანაკლებ	1.2
2	ცხენის ძალა არანაკლებ	77
3	გადაცემათა კოლოფი	მექანიკური, არანაკლებ 5 საფეხურიანი
4	სიგრძე არანაკლებ	3850
5	სიგანე არანაკლებ	1695
6	სიმაღლე არანაკლებ	1445
7	წვა 100 კმ/ზე არაუმეტეს	8 ლიტრი
8	საგარანტიო პირობები	5 წელი ძირითად აგრეგატებზე (ძრავი, ხიდი, გადაცემათა კოლოფი) 3 წელი ან 150000 კილომეტრი სრულ ავტომანქანაზე, რომელიც ადრე შესრულდება.
9	უსაფრთხოების დამადასტურებელი დოკუმენტი	NCAP (ევრო ქრაშ ტესტი) ან IIHS (ამერიკული ქრაშ ტესტი) ან JNACP (იაპონური ქრაშ ტესტი)
10	ელექტრო შუშები	მინიმუმ წინა ორი
11	აუცილებელი მოთხოვნა	სათადარიგო საბურავი
12	აუცილებელი მოთხოვნა	წინა 2 უსაფრთხოების ბალიში
13	აუცილებელი მოთხოვნა	კონდიციონერი
14	აუცილებელი მოთხოვნა	აუდიო სისტემა
15	აუცილებელი მოთხოვნა	უკანა საქარე მინის ელ. გათბობა
16	აუცილებელი მოთხოვნა	საჭის გამაძლიერებელი
17	აუცილებელი მოთხოვნა	ABS

2.1.4 მისაწოდებელი ავტომობილები უნდა იყოს: ახალი, არაუადრეს 2014 წელს გამოშვებული, ქარხნული მარცხენა საჭით, საწვავის ტიპი-ბენზინი, შავი, ვერცხლისფერი ან მუქი ნაცრისფერი ფერის, განზაჟებული და ექსპლუატაციაში არმყოფი.

2.1.5 მისაწოდებელი ავტომობილების შემსყიდველისათვის გადაფორმების მიზნით შესაბამის ორგანოებში რეგისტრაციის ხარჯი უნდა აანაზღაუროს მიმწოდებელმა.

2.1.6 პრეტენდენტს ქ. თბილისის ტერიტორიაზე უნდა გააჩნდეს არანაკლებ 1 (ერთი) სერვის ცენტრი, სადაც იგი განახორციელებს მომსახურებას.

2.1.7 პრეტენდენტს უნდა გააჩნდეს ბაზარზე ანალოგიური საქმიანობის (ავტომანქანების მიწოდება) მინიმუმ 2 (ორი) წლიანი გამოცდილება.

2.1.8 გეგმიური ფასიანი მომსახურების შესყიდვაზე, ტენდერში გამარჯვებულ პრეტენდენტთან ან მის მიერ მითითებულ პირთან გაფორმდება სახელმწიფო შესყიდვის შესახებ ხელშეკრულება ტენდერში გამარჯვებული პრეტენდენტის მიერ დანართი #2-ში გათვალისწინებული ფასებით, რა დროსაც ძალაში უნდა დარჩეს ავტომობილის საგარანტიო პირობები. გეგმიური ფასიანი მომსახურების მიწოდება უნდა განხორციელდეს მოთხოვნის დაფიქსირებიდან არაუგვიანეს 3 (სამი) სამუშაო დღის განმავლობაში ქ. თბილისის ტერიტორიაზე. პრეტენდენტის მიერ განსაზღვრულ პირს უნდა გააჩნდეს არანაკლებ 1 სერვის-ცენტრი თბილისში.

2.2 სატენდერო წინადადების ფასის გაანგარიშების მეთოდი:

2.2.1 ორი ერთეული მსუბუქი ავტომობილის შესყიდვის ჯამური საორიენტაციო ღირებულებაა 78000 (სამოცდათვრამეტიათასი) ლარი.

2.2.2 შესყიდვის ობიექტის ჯამური საორიენტაციო ღირებულება მოიცავს შემდეგ კომპონენტებს:

ა) ავტომობილის ღირებულებას;

ბ) თანმდევი საგარანტიო პირობების ფარგლებში გეგმიური ფასიანი მომსახურების ღირებულებას, რომელიც წინამდებარე სატენდერო დოკუმენტაციის დანართ №2-ში წარმოდგენილია ცხრილის სახით და იანგარიშება 100000კმ. გარბენზე. (საგარანტიო პერიოდის განმავლობაში გამარჯვებული პრეტენდენტის მიერ შემოთავაზებული საგარანტიო სერვისით გათვალისწინებული საქონლის ფასი შეიძლება დაკონვერტირდეს გამოცხადების დღით ეროვნული ბანკის კურსით აშშ დოლარში, ხოლო ანგარიშსწორებისას ეროვნულ ვალუტაში საქონლის ფაქტობრივი მიწოდების დღის ეროვნული ბანკის მიერ დადგენილი გაცვლითი კურსით).

გ) ავტომობილის მიერ მოხმარებული საწვავის პირობით ხარჯს (100000კმ-ზე), რომელიც იანგარიშება მწარმოებლის მიერ წარმოდგენილი ოფიციალური საპასპორტო წვის მაჩვენებლისა და ერთი ლიტრი საწვავის პირობითი ფასის - „1“-ის ნამრავლი 100000 კმ-ზე. მაგ: თუ ავტოსატრანსპორტო საშუალების საწვავის წვის საპასპორტო მაჩვენებელი 100 კმ-ზე, პირობითად წარმოადგენს 6 (ექვსი) ლიტრს, მისი დანგარიშება 100000 კმ-ზე განხორციელდება შემდეგნაირად: $100000/100 \times 6 = 6000$. (წინამდებარე ტენდერის ფარგლებში, ამ პუნქტით გათვალისწინებული საწვავის ხარჯის გადახდა მიმწოდებლისთვის არ ხორციელდება).

2.2.3 სატენდერო წინადადების ფასი გამოსახული უნდა იყოს შესყიდვის ობიექტის მიწოდებასთან დაკავშირებული საქართველოს კანონმდებლობით გათვალისწინებული ყველა გადასახადის გათვალისწინებით, რომელიც მოიცავს, როგორც ავტომანქანების აქციზის ღირებულებას, ასევე თანმდევი საგარანტიო პირობების ფარგლებში გეგმიური ფასიანი მომსახურებების დამატებითი ღირებულების გადასახადს და ავტომობილის შემსყიდველზე გადაფორმების ხარჯებს.

2.3 ანგარიშსწორების პირობები:

2.3.1 ანგარიშსწორება მოხდება უნაღდო ანგარიშსწორებით ლარში.

2.3.2 შესყიდვის ობიექტის ანგარიშსწორება განხორციელდება მხარეთა შორის უფლებამოსილი წარმომადგენლების მიერ მიღება-ჩაბარების აქტის გაფორმებიდან და მიმწოდებლის მიერ შესაბამისი საგადასახადო დოკუმენტების წარმოდგენიდან არაუგვიანეს 15 (თხუთმეტი) სამუშაო დღის ვადაში.

2.3.3 დაფინანსების წყარო: 2015 წლის აკადემიის საკუთარი სახსრების ფარგლებში.

2.4 ხელშეკრულების მოქმედების და საქონლის მიწოდების ვადები და ადგილი:

2.4.1. ავტომობილის მიწოდება უნდა განხორციელდეს ხელშეკრულების დადებიდან 25 (ოცდახუთი) კალენდარული დღის განმავლობაში მისამართზე: ქ. თბილისი, რუსთაველის გამზირი #52.

2.4.2. ხელშეკრულების მოქმედების ვადა განისაზღვრება ხელშეკრულების დადებიდან 2015 წლის 30 ნოემბრის ჩათვლით.

2.5 გარანტია

2.5.1 მოწოდებულ ავტომობილზე უნდა ვრცელდებოდეს გარანტია შესაბამისი მიღება-ჩაბარების აქტის გაფორმების დღიდან სატენდერო დოკუმენტაციის 2.1.3 ქვეპუნქტით განსაზღვრული ცხრილის მე-8 პოზიციით გათვალისწინებული ვადით და პირობებით.

2.5.2 საგარანტიო მომსახურების პირობები განისაზღვრება პრეტენდენტის შემოთავაზების შესაბამისად, წინამდებარე ტენდერის მოთხოვნების თავისებურებათა გათვალისწინებით.

2.6 პრეტენდენტის მიერ სისტემაში ასატივრთი მონაცემები:

2.6.1 პრეტენდენტის რეკვიზიტები დანართი №1-ის შესაბამისად;

2.6.2 ფასების ცხრილი დანართი №2-ის შესაბამისად;

2.6.3 შემოთავაზებული მსუბუქი ავტომობილის ტექნიკური და ხარისხობრივი მონაცემების სრული აღწერილობა სატენდერო დოკუმენტაციის ტექნიკური დავალების 2.1.3. პუნქტის მოთხოვნათა შესაბამისად და ამასთანავე სასაქონლო მარკის, მწარმოებელი ქვეყნის და საგარანტიო ვადის მითითებით;

2.6.4 მოსაწოდებელი ავტომობილის მწარმოებლის მიერ გაცემული საპასპორტო მონაცემები (წვის მონაცემები და ტექნიკური მახასიათებლები).

2.6.5 ინფორმაცია ქ. თბილისში სერვის ცენტრ(ებ)ის შესახებ, სადაც უნდა განხორციელდეს თანმდევი საგარანტიო პირობების ფარგლებში გეგმიური ფასიანი მომსახურება.

2.6.6 ინფორმაცია (დასახელება, საბანკო და საიდენტიფიკაციო რეკვიზიტები, სერვის-ცენტრების ჩამონათვალი (არანაკლებ ერთი ქ. თბილისში) მდებარეობის მითითებით) პრეტენდენტის მიერ განსაზღვრული პირის თაობაზე (ასეთის არსებობის შემთხვევაში), რომელისგანაც შესაძლებელი იქნება გეგმიური ფასიანი მომსახურების მიღება სატენდერო დოკუმენტაციის მოთხოვნების გათვალისწინებით, წინამდებარე ტენდერის ფარგლებში შეძენილი ავტომობილების საგარანტიო პირობების შენარჩუნების პირობით.

2.6.7 ინფორმაცია პრეტენდენტის ბაზარზე ანალოგიური საქმიანობის (ავტომანქანების მიწოდება) მინიმუმ 2 (ორი) წლიანი გამოცდილების შესახებ.

2.6.8 საგარანტიო მომსახურების პირობები სატენდერო დოკუმენტაციის 2.5 პუნქტის მოთხოვნათა გათვალისწინებით.

- სისტემაში ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს უფლებამოსილი პირის მიერ.

- გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„-----“ „-----“ 2015 წ.

სსიპ „საქართველოს მეცნიერებათა ეროვნული აკადემია“ შემდგომში წოდებული „შემსყიდველად“, წარმოდგენილი მისი პრეზიდენტის გიორგი კვესიტაძის სახით და -----, შემდგომში წოდებული „მიმწოდებლად“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის, გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებისა და „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის ან ჩანაცვლების წესის დამტკიცების შესახებ“ საქართველოს მთავრობის 2014 წლის 6 თებერვლის №121 დადგენილების საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - პირი, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

მსუბუქი ავტომობილის სახელმწიფო შესყიდვა (CPV- 34111200).

3. ხელშეკრულების ღირებულება

- 3.1. ხელშეკრულების ღირებულებაა ----- ლარი.
- 3.2. ხელშეკრულების ღირებულება მოიცავს, როგორც საქონლის ღირებულებას ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს (ავტომანქანის აქციზის ღირებულებას, ავტომობილის შემსყიდველზე გადაფორმების ხარჯებს) და საქართველოს კანონმდებლობით გათვალისწინებულ ყველა სხვა გადასახადს.

4. მხარეთა ვალდებულებები

- 4.1. მიმწოდებელი ვალდებულია:
 - ა) უზრუნველყოს ხელშეკრულების დანართით დასაზღვრული ტიპის და ტექნიკური მახასიათებლების მქონე 1 (ერთი) ერთეული მსუბუქი ავტომობილის მიწოდება ხელშეკრულების დადებიდან

25 (ოცდახუთი) კალენდარული დღის განმავლობაში მისამართზე: ქ. თბილისი, რუსთაველის გამზირი #52.

ბ) უზრუნველყოს საქონლის შემსყიდველისათვის გადაფორმება და შესაბამის ორგანოებში რეგისტრაციის ხარჯების ანაზღაურება.

გ) უზრუნველყოს შემსყიდველისათვის განბაჟებული და ექსპლუატაციაში არმყოფი მსუბუქი ავტომობილის მიწოდება.

დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

ა) უზრუნველყოს ინსპექტირების განხორციელება;

ბ) უზრუნველყოს ხელშეკრულებით გათვალისწინებული ანგარიშსწორება მიმწოდებელთან.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

5.1 მოწოდებულ საქონელზე ვრცელდება გარანტია შესაბამისი მიღება-ჩაბარების აქტის გაფორმების დღიდან ხელშეკრულების დანართი № ---- ით განსაზღვრული ვადის განმავლობაში.

5.2 საგარანტო პირობები განისაზღვრება დანართი № ---- ით, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

6. ინსპექტირება

6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2 ინსპექტირებას განახორციელებენ -----, რომლებიც უფლებამოსილები არიან ინსპექტირება განახორციელონ როგორც ინდივიდუალურად, ასევე ერთობლივად.

6.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია მხარეთა მიერ შეთანხმებულ ვადაში გამოასწოროს წუნი.

7. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

8. ანგარიშსწორება

8.1. ანგარიშსწორება განხორციელდება შემდეგი

პირობებით: ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: 2015 წლის აკადემიის საკუთრი სახსრები.

8.2. შესყიდვის ობიექტის ანგარიშსწორება განხორციელდება მხარეთა შორის უფლებამოსილი წარმომადგენლების მიერ მიღება-ჩაბარების აქტის გაფორმებიდან და მიმწოდებლის მიერ შესაბამისი საგადასახადო დოკუმენტების წარმოდგენიდან არაუგვიანეს 15 (თხუთმეტი) სამუშაო დღის ვადაში

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული საქონლის მიწოდების ვადის გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ან/და მომსახურების ღირებულების 0.02%-ის ოდენობით.

10.2. წინამდებარე ხელშეკრულების 6.4 პუნქტით გათვალისწინებული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.3. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

10.4. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლის ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2015 წლის 30 ნოემბრის ჩათვლით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებთან და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

17. მხარეთა რეკვიზიტები:

შემსყიდველი:

მიმწოდებელი:

სსიპ „საქართველოს მეცნიერებათა
ეროვნული აკადემია“

მისამართი: ქ. თბილისი,

რუსთაველის გამზირი #52

ტელეფონი: 2997372

საბანკო რეკვიზიტები:

ს/კ 203851536

სახელმწიფო ხაზინა

კოდი TRESGE22

ანგარიში # 708777019

მისამართი: -----

ტელეფონი: -----

საბანკო რეკვიზიტები:

ს/კ - -----

ბანკის კოდი: -----

ანგარიში №-----

/გიორგი კვესიტაძე/

//

პრეტენდენტის რეკვიზიტები

იურიდიული ფორმა და დასახელება:

ხელმძღვანელის სახელი და გვარი: იურიდიული

ან/და ფაქტიური მისამართი: საიდენტიფიკაციო

კოდი:

ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში

პრეტენდენტის დასახელება _____

ფასების ცხრილი

№	შესყიდვის ობიექტი	ავტომობილი მარკა და მოდელი	რაოდენობა (ცალი)	ავტომობილის ღირებულება	ავტოსატრანსპორტო საშუალების საგარანტიო ფასიანი მომსახურება (1000000 კმ-ზე)	ავტოსატრანსპორტო საშუალების მოხმარებული საწვავის პირობითი ხარჯი (1000000 კმ-ზე)	საერთო ღირებულება
1	მსუბუქი ავტომობილი						

თანმდევი საგარანტიო მომსახურების ფასების ცხრილი

№	დასახელება	საქონლის ერთეულის ფასი	მომსახურების ერთეულის ფასი	გარბენი (.....კმ)	გარბენი (.....კმ)	გარბენი (100000კმ)	ჯამი
1	ძრავის ზეთი						
2	ძრავის ზეთის ფილტრი						
3	წინა სამუხრუჭე ხუნდები						
4	უკანა სამუხრუჭე ხუნდები						
5	ჰაერის ფილტრი						
6	კონდიციონერის ფილტრი						
7	ანთების სანთლები						
8	ძრავის ღვედი						

საქონლის მიწოდების ვადა და ადგილი:

შენიშვნა: ავტომობილის თანმდევი საგარანტიო მომსახურების ფასების ცხრილში გარბენილი კილომეტრების რაოდენობა უნდა მიეთითოს პრეტენდენტების მიერ, ამასთან ცხრილში დასაშვებია გარბენილი კილომეტრების სვეტების დამატება.